



REPUBLIKA E SHQIPËRISË  
MINISTRIA E DREJTËSISË  
SHËRBIMI I PROVËS  
DREJTORIA E PËRGJITHSHME

**R A P O R T**  
**PËR MUAJIN PRILL 2011**

**E nderuar Zonja Zëvendësministre,**

Mbështetur në nenin 9, gërma gj), të VKM nr. 302, datë 25.03.2009 "Për miratimin e Rregullores "Për organizimin e funksionimin e Shërbimit të Provës dhe për përcaktimin e standardeve dhe procedurave për mbikëqyrjen e ekzekutimit të dënimeve alternative", po Ju paraqesim raportin e veprimtarisë së Shërbimit të Provës për muajin Prill 2011.

## **I. Statistika**

Për periudhën 01-30 Prill 2011, volumi i punës së kryer nga Shërbimi i Provës ka qenë i madh, duke marrë parasysh faktin që numri i specialistëve të Zyrave Vendore të Shërbimit të Provës është i njëjti, ndërsa numri i të dënuarve me dënime alternative që këta specialistë mbikëqyrin, si dhe kërkesat nga gjykatat dhe prokuroritë për raporte vlerësimi janë në rritje të vazhdueshme. Disa nga statistikat dhe paraqitjet që pasqyrojnë punën që ka kryer e po kryen institucioni do të jepen me anë të të dhënave si më poshtë:

Për periudhën 01- 30 Prill 2011, statistikat rezultojnë si më poshtë:

### **1. Numri total i të dënuarve me dënime alternative të dhëna nga gjykatat.**

**Numri total i të dënuarve** me dënime alternative që janë mbikëqyrur nga Shërbimi i Provës në të gjithë vendin, për periudhën, nga data **01.06.2009** deri më datë **30.04.2011**, është **3245** të dënuar.

Nga 01.06.2009 - 30.04.2011, kanë përfunduar periudhën e provës nën mbikëqyrjen e Shërbimit të Provës **367** të dënuar, pra ka përfunduar me sukses procesi i mbikëqyrjes për ta.

Kështu numri total i të dënuarve që ndodhen aktualisht nën mbikëqyrjen e Shërbimit të Provës (duke zbritur numrin e atyre që kanë përfunduar dënimin alternativ) është **2878 të dënuar**.

I ndarë sipas Zyrave Vendore (duke llogaritur dhe të dënuarit që kanë përfunduar dënimin alternativ):

- Në territorin që shtrin kompetencat Zyra Vendore Tiranë mbikëqyren në komunitet nga Shërbimi i Provës **1179** të dënuar me dënime alternative.
- Në territorin që shtrin kompetencat Zyra Vendore Durrës mbikëqyren në komunitet nga Shërbimi i Provës **265** të dënuar me dënime alternative.

- Në territorin që shtrin kompetencat Zyra Vendore Fier mbikëqyren në komunitet nga Shërbimi i Provës **443** të dënuar me dënime alternative.
  - Në territorin që shtrin kompetencat Zyra Vendore Shkodër mbikëqyren në komunitet nga Shërbimi i Provës **420** të dënuar me dënime alternative.
  - Në territorin që shtrin kompetencat Zyra Vendore Lezhë mbikëqyren në komunitet nga Shërbimi i Provës **181** të dënuar me dënime alternative.
  - Në territorin që shtrin kompetencat Zyra Vendore Elbasan mbikëqyren në komunitet nga Shërbimi i Provës **152** të dënuar me dënime alternative.
  - Në territorin që shtrin kompetencat Zyra Vendore Korçë mbikëqyren në komunitet nga Shërbimi i Provës **168** të dënuar me dënime alternative.
  - Në territorin që shtrin kompetencat Zyra Vendore Gjirokastrë mbikëqyren në komunitet nga Shërbimi i Provës **70** të dënuar me dënime alternative.
2. *Numri mesatar i të dënuarve me dënime alternative që mbikëqyren nga një punonjës i Shërbimit të Provës në nivel vendi dhe zyre vendore.*

Sa më sipër duke ju referuar numrit total të të dënuarve me dënime alternative që mbikëqyren nga Shërbimi i Provës prej **2878** të dënuarish, numri mesatar i të dënuarve që mbikëqyren nga një punonjës në nivel vendi aktualisht është **96**. E shprehur kjo për çdo zyrë vendore është si më poshtë:

- Zyra Vendore Tiranë ka nën mbikëqyrje **118** të dënuar për çdo punonjës.
- Zyra Vendore Durrës ka nën mbikëqyrje **88** të dënuar për çdo punonjës.
- Zyra Vendore Fier ka nën mbikëqyrje **74** të dënuar për çdo punonjës.
- Zyra Vendore Shkodër ka nën mbikëqyrje **140** të dënuar për çdo punonjës.

- Zyra Vendore Lezhë ka nën mbikëqyrje 60 të dënuar për çdo punonjës.
- Zyra Vendore Elbasan ka nën mbikëqyrje 76 të dënuar për çdo punonjës.
- Zyra Vendore Korçë ka nën mbikëqyrje 84 të dënuar për çdo punonjës.
- Zyra Vendore Gjirokastrë ka nën mbikëqyrje 70 të dënuar për çdo punonjës.

Duke ju referuar statistikave, gjatë muajit Prill 2011 kanë përfunduar periudhën e mbikëqyrjes 39 të dënuar. Shtesa për periudhën 01-30 Prill 2011, prej 179 të dënuarish nën mbikëqyrje, rrit dhe ngarkesën e punës për specialistët.

### 3. Numri i të dënuarve për secilin lloj dënimi alternativ.

Statistikat për periudhën 01.06.2009 - 30.04.2011, për secilin lloj dënimi alternativ, për të dënuarit e mbikëqyrur nga Shërbimi i Provës, janë si më poshtë:

- 2547 persona janë dënuar nga gjykata duke u aplikuar neni 59 i KP "pezullim i ekzekutimit të vendimit me burgim dhe vënia në provë", shifër kjo e barabartë me 78.77 % të të gjithë të dënuarve me dënime alternative.
- 68 persona janë dënuar nga gjykata duke u aplikuar neni 59/a i KP "qëndrim në shtëpi", shifër kjo e barabartë me 2.05 % të të gjithë të dënuarve me dënime alternative.
- 341 persona janë dënuar nga gjykata duke u aplikuar neni 64 i KP "Lirim me kusht", shifër kjo e barabartë me 10.6 % të të gjithë të dënuarve me dënime alternative.
- 288 persona janë dënuar nga gjykata duke u aplikuar neni 63 i KP "Pezullim i ekzekutimit të vendimit me burgim dhe detyrimi për kryerjen e një pune në interes publik", shifër kjo e barabartë me 8.58 % të të gjithë të dënuarve me dënime alternative.
- 1 person është dënuar nga gjykata duke aplikuar nenin 58 të KP "gjysëmliria", shifër kjo e barabartë me 0.03 % të të gjithë të dënuarve me dënime alternative.

Këto të dhëna pasqyrohen më poshtë, në Tabelën 2.

**Tabela 2: Numri i të dënuarëve sipas llojeve të dënimeve alternative të dhëna nga Gjykata për periudhën 01.06.2009 - 30.04.2011.**

Nr	LLOJI I DËNIMEVE ALTERNATIVE	Nr. TOTAL	TOTALI në %
1	Pezullimi ... neni 59 i KP	2547	78.49%
2	Qëndrimi në shtëpi neni 59/a i KP	68	2.1%
3	Lirimi me kusht neni 64 i KP	341	10.5%
4	Punë në interes publik neni 63 i KP	288	8.88%
5	Gjysmëliria neni 58 i KP	1	0.03%
TOTALI		3245	100%

Për periudhën 01.06.2009 - 30.04.2011 numri i të dënuarve me “punë në interes publik” është **288**, ndërsa pas përfundimit të këtij dënimi për 203 të dënuar, Shërbimi i Provës ka nën mbikëqyrje **85** të dënuar.

Siç shihet, në muajin prill 2011, ka gjetur zbatim edhe neni 58 i K.Penal, “gjysmëliria”, i cili është aplikuar, për një të dënuar nga Gjykata e Rrethit Gjyqësor Korçë.

#### **4. Raportet e Vlerësimit me kërkesë të gjykatës dhe prokurorisë.**

Konkretisht për periudhën **01-30 Prill 2011:**

- ❖ Janë kërkuar nga gjykatat **64** raporte vlerësimi për persona të pandehur dhe të dënuar,
- ❖ Janë kërkuar nga prokuroritë **36** raporte vlerësimi për persona nën hetim dhe të pandehur,
- ❖ Kanë ardhur **179** urdhëra ekzekutimi nga prokuroritë e rretheve gjyqësore, nga të cilët **25** urdhëra ekzekutimi janë për dënime alternative të dhëna për të mitur, për të cilët gjykata ka dhënë dënime alternative dhe kanë filluar procedurat ligjore të përcaktuara për procesin e mbikëqyrjes për ta.
- ❖ Ka përfunduar mbikëqyrja për **39** të dënuar me dënime alternative.

Ndërsa në total volumi i punës së Shërbimit të Provës për periudhën 01.06.2009 – 30.04.2011 jepet si më poshtë:

- ❖ janë kërkuar nga gjykata 1327 raporte vlerësimi për persona të pandehur dhe të dënuar,
- ❖ janë kërkuar nga prokuroritë 677 raporte vlerësimi për persona nën hetim dhe të pandehur,
- ❖ Kanë ardhur 3245 urdhëra ekzekutimi nga prokuroritë e rretheve gjyqësore, nga të cilët 510 urdhëra ekzekutimi janë për dënime alternative të dhëna për të mitur, për të cilët gjykata ka dhënë dënime alternative dhe kanë filluar procedurat ligjore të përcaktuara për procesin e mbikëqyrjes për ta.
- ❖ Ka përfunduar procesi i mbikëqyrjes për 367 të dënuar.

## II. Bashkëpunimi me partnerët

- *me OJF-të dhe partnerët.*
- Për sa i përket bashkëpunimit me OJF-të, përveç Memorandumeve të Bashkëpunimit që kemi me 7 OJF, që ofrojnë shërbime të specializuara në trajtimin e të dënuarve me dënime alternative, për të cilat ju kemi bërë me dije në raportet e mëparshme, në muajin Prill 2011 kemi nënshkruar edhe një memorandum me OJF-në, Qendrën e Gruas "Hapa të Lehtë", me seli në Shkodër, e cila nëpërmjet kurseve profesionale kryesisht të grave dhe të miturave, synon përgatitjen e tyre në sektorët e punës, si dhe ofron mbështetje për të dënuarat me dënime alternative me probleme të ndryshme shëndetësore, ekonomike dhe sociale përmes asistencës psiko-sociale. Gjithashtu ky agnazhim do të fokusohet edhe në lidhje me zbatimin e dënimeve komunitare në aksione të ndryshme pastrimi, gjelbërimi, ndërhyrje infrastrukturore të lehta etj. Nga ana jonë, kjo marrëveshje bashkëpunimi është nënshkruar dhe i është dërguar për nënshkrim OJF-së në fjalë.
- Në lidhje me ecurinë e Projektit të Binjakëzimit me Shërbimin e Provës Britanik, (AL 09 IB JH 01), "Mbështetje për Shërbimin e Provës dhe Alternativave të Dënimit me Burgim", gjatë muajit Prill 2011 janë zhvilluar takime të këshilltarit resident të projektit, Z. Alan John

MacDonald, në disa Zyra Vendore të Shërbimit të Provës, në Tiranë, Elbasan, Korçë, dhe Gjirokastrë, në lidhje me komponentët e projektit, si dhe për çështjet që kanë të bëjnë me të, në të cilat është diskutuar për mbarëvajtjen e punës dhe për problematikën e saj, si dhe janë zhvilluar takime dhe diskutime me specialistët e këtyre Zyrave Vendore. Gjithashtu janë realizuar takime me drejtues të gjykatave, prokurorive dhe OJF-ve që operojnë në këto rrethe. Gjatë këtyre takimeve janë shprehur mendimet e tyre mbi ecurinë e deritanishme të bashkëpunimit me institucioneve tona dhe është vlerësuar puna e Shërbimit të Provës.

- Në datën 12 Prill 2011, në ambjentet e Hotel "Tirana International", u zhvillua një Konferencë Kombëtare, Mbi hapjen e vendeve të privimit të lirisë ndaj monitoruesve "Arritjet në shërbimet parandaluese dhe rehabilitim - Praktikën më të mira dhe angazhimet e përbashkëta". Kjo konferencë u organizua nga Qendra Shqiptare për Rehabilitimin e Traumës dhe Torturës në bashkëpunim me Delegacionin e Bashkimit Europian, Zyrën e Avokatit të Popullit dhe Drejtorinë e Përgjithshme të Burgjeve. Në hapjen e Konferencës, në fjalën e tij përshëndetëse, Drejtori i Përgjithshëm i Shërbimit të Provës, bëri një prezantim të aktivitetit të deritanishëm dhe arritjeve të institucionit, si dhe rolit të tij në sistemin penitenciar. Në një prej paneleve të kësaj konference u diskutua lidhur me Drejtësinë Penale, grupet e prekura dhe sistemi i Shërbimit të Provës. Gjatë diskutimeve u bë një paraqitje e problematikave të hasura deri tani në punën e Shërbimit të Provës dhe u shkëmbyen ide dhe informacione në lidhje me zhvillimet më të fundit në sistemin penitenciar në Shqipëri.
- Më datë 22 Prill 2011, në ambjentet e Ministrisë së Drejtësisë u zhvillua ceremonia për përfundimin me sukses të ndihmës së IFC-së për programin e ndërmjetësimit në Gjykatën e Rrethit Gjyqësor Durrës dhe nënshkrimin e marrëveshjes së bashkëpunimit për përkrahjen e mëtejshme të këtij programi nga projekti USAID për Forcimin e Sistemit të Drejtësisë Penale në Shqipëri (JUST). Në këtë ceremoni, ndërmjet të tjerash, në fjalën e tyre përfaqësuesit nga UNICEF dhe Fondacionit "Zgjidhja e Konfliktëve dhe Pajtimi i Mosmarrëveshjeve", vlerësuan punën që bën Shërbimi i Provës në lidhje me dënimet alternative për të mitur si dhe në bashkëpunimin me këtë fondacion në rastet e ndërmjetësimit për të dënuarit me dënime alternative dhe viktimave.

- **me organet e pushtetit qëndror dhe pushtetin vendor**

- Në datën 22 Prill 2011, në ambjentet e Hotel "Tirana International", nga Ministria e Integritit, u zhvillua takimi konsultativ me shoqërinë civile, mbi Projekt-Planet e Veprimit që adresonin rekomandimet e opinionit të Komisionit European për Shqipërinë. Në këtë takim, ku si pjesë e përfaqësimit të Ministrisë së Drejtësisë ishte dhe Shërbimi i Provës, nga OJF-të pjesëmarrëse, u vlerësua ngritja e institucionit të Shërbimit të Provës dhe u theksua puna e mirë dhe ecja në rrugën e duhur, që ka bërë dhe po bën ky institucion, për sa i përket zbatimit dhe mbikëqyrjes së dënimeve alternative, si dhe u shkëmbyen ide për vendosjen e prioriteteve që konsiderohen në interes të përbashkët dhe gjithëpërfshirës.

- Për sa i përket bashkëpunimit me pushtetin vendor, përveç 79 memorandumeve të bashkëpunimit midis Shërbimit të Provës dhe organeve të qeverisjes vendore, për të cilat ju kemi bërë me dije në raportet tona të mëparëshme, për muajin Prill 2011, kemi nënshkruar edhe 5 memorandume bashkëpunimi me njësitë e qeverisjes vendore të qarkut Gjirokastrë dhe konkretisht me:

Bashkia Gjirokastrë; Komuna Qendër Libohovë; Komuna Picar; Komuna Piskovë; Komuna Çarçovë.

Qëllimi i këtyre marrëveshjeve me njësitë e qeverisjes vendore, është sigurimi prej tyre i vendeve të punës për personat me banim në komunitetin e tyre, për të cilët gjykata ka dhënë si masë alternative punën me interes publik apo edhe për rastet e dënuarve me dënime të tjera alternative për të cilat pushteti vendor është drejtpërdrejt i interesuar me qëllim garantimin e sigurisë publike të komunitetit, riintegrimin në shoqëri të personit të dënuar që është anëtar i atij komuniteti, si dhe ndihmën e të dënuarit për t'u riintegruar në komunitet.

Pra, në total janë nënshkruar 84 memorandume bashkëpunimi midis Shërbimit të Provës dhe organeve të qeverisjes vendore dhe konkretisht me 6 Këshilla Qarqesh, 28 Bashki (nga të cilat 5 Njësi Bashkiake në Tiranë) dhe 50 Komuna. Ndërkohë që vazhdon puna dhe korrespondenca për nënshkrimin e memorandumeve të bashkëpunimit edhe me bashkitë dhe komunat e tjera.



### III.-Problematika e punës.

#### - *Zyrat e reja Vendore dhe ngarkesa.*

Gjatë muajit Prill 2010 kemi vazhduar me intensitet menaxhimin e punëve për sistemimin në ambiente normale pune, të zyrave vendore të Shërbimit të Provës, si dhe të sigurimit të infrastrukturës për to, me qëllim mirëfunksionimin e aktivitetit të këtyre zyrave vendore.

Sikurse ju kemi bërë me dije dhe në kërkesë-propozimin tonë me nr. 88 Prot., datë 13.01.2011, për ndryshimin e strukturës dhe organikës së Shërbimit të Provës, si dhe në Raportin Vjetor mbi aktivitetin e Shërbimit të Provës, për periudhën 1 janar - 31 dhjetor 2010, dërguar me tonën nr. 378, datë 28.02.2011, problemi kryesor del hapja e zyrave të reja vendore me vendodhje në të gjitha rrethet gjyqësore ku nuk janë ngritur ende, si dhe ndryshimi i strukturës dhe shtimi i organikës së Shërbimit të Provës, me qëllim administrimin dhe ushtrimin e funksioneve në mënyrën e kërkuar nga ligji dhe arritjen e standardeve të parashikuara në Strategjinë Sektoriale të Drejtësisë dhe SKZHI-së, për Shërbimin e Provës, ku një nga indikatorët është dhe raporti i numrit të dënuarve që mbikëqyren mesatarisht për një specialist të Shërbimit të Provës, përkatësisht 35 të dënuar /specialist.

Mjafton të përmendim se deri tani janë në mbikëqyrje nga institucioni ynë 2878 të dënuar, ose mesatarisht **96 të dënuar për çdo specialist**, numër i cili vazhdon të rritet, dhe që është shumë më i lartë se standartet e vendeve europiane, pa shtuar këtu faktin se punonjësit tanë deri më tani kanë hartuar mesatarisht edhe **67 raporte vlerësimi për specialist**, sipas kërkesave të gjykatave dhe prokurorive, gjë që e bën të papërbalueshme ngarkesën e punës.

Duke shpresuar se kemi dhënë një analizë që pasqyron me objektivitet punën e kryer, si dhe një paraqitje të problematikës themelore nga Shërbimi i Provës, Ju sigurojmë se zbatimi i të gjithë detyrave funksionale, rritja e nivelit dhe e profesionalizmit do të jenë prioritete të punës sonë edhe në të ardhmen.

Me respekt,

**DREJTORI I PËRGJITHSHËM**

**ARBEN SEFGJINI**

